



# Inuit Ataqatigiit Inatsisartuni

---

16. juni 2008

Inatsisartut Suleriaasianni § 36, imm. 1 naapertorlugu Naalackersuisunut apeqquut imaattoq matumuuna saqqummiuppara:

## **Naalackersuisunut apeqquutit:**

1. **Atuakkiorfiup kalaallisut atuakkianik saqqummersitsisarunnaarniarnera Naalackersuisut qanoq qisuariarfiginiarpaat?**
2. **Atuarfinni, ilinniarfinni atuakkanik kopeerisarneq akiorniarlugu, atuakkiortullu piginneqqaartussaaitaanerat illersorniarlugu, Naalackersuisut qanoq iliulersaarpap?**
3. **Naalackersuisut 2006-imi atuakkiortut peqatigiiffiat suleqatigalugu suleqatigiissitaliornissamik siunnersuuteqarput, suliassaq pingaarneq tassaatinneqarpoq kalaallisut atuakkiat siuarsaavigineqarnissaat. Suliaq sumut killippa?**

(Inatsisartunut ilaasortaq Juliane Henningsen, Inuit Ataqatigiit)

## **Tunngavilersuut:**

Inuit Ataqatigiit inuiaqatigiinni atuakkiortut meeqqaniit utoqqarsuarnut tunniussassaqaqarnat upperaarpup, taamaattumik periarfissarititagu sinaakkuutissallu pitsaasuusariaqarput.

2006-imi atuakkiortut atugaat, atuakkanillu tuniniaanissamut periarfissaritinneqartut pillugit Naalackersuisunut apeqquuteqarpunga.

Taamanikkut isumakuluuteqarnera Naalakkersuisut tapersorsorpaat uppersarsarlugulu, atuakkanik kalaallisuunik saqqummersitsisarneq Naalakkersuisut kultureqarnermut politikkiata ilagimmagu pingaarutilik.

Tamanna maannakkut qanoq inissisimava?

Pissusiviusut takusinnaasavut imaapput, kalaallinut atuakkiortunut periarfissat imak ajortigilersimapput, saqqummiisarneq tuniniaasernerlu imminut akilersinnaajunnaariartorlutik. Aningaasaliissutit pingajoraarterutaanik ilanngaaneq Naalakkersuisut kulturpolitikkiannut naapertuuppa?

Inuit Ataqatigiinni ukiuni kingullerni kulturitsinnik siuarsaasut atugarisaasa pitsanngorsarneqarnissaannut suliniutitsinni siunnersuutigisartakkatsinnilu atuakkiorneq pingaarutilittut tikkuartarparput.

Naalakkersuisut atuarusulersitsinissamik suliniuteqarnerat Inuit Ataqatigiit tamakkiisumik tapersorsorparput, taamatulli suliniuteqaraanni atuakkiorerup sinaakkutigissaarnissaa qulakkeerneqarsimasariaqartoq Inuit Ataqatigiinni isumaqarpugut.

Naalakkersuisut qulakkeertariaqarpaat, inuiattut pingaartitagut illersorneqassasut, atuakkiortutullu piginneqqaartussaataaneq illersortariaqarlugu.